

Ammasumi ataatsimiinnermi oqaluuserisassat:

Imm. 01 **Oqaluuserisassat akuerineqarneri**

Imm. 02 **Suliassat nalignnaasut
Utaqqiisaasumik peqatigiiffinnut atuarfeqarfimmullu atugassiaasup B-733A-p
atugassiaaneranik atorunnaarsitsineq**

Imm. 03 **Tamalaat**

Ataatsimiinneq videokonference atorlugu ingerlanneqassaaq pingasunngorneq 7. marts 2018
aallartissallunilu nal. 08.30

Atassut

Siverth K. Heilmann

Inuit Ataqtigiit

Siumut

Malik Berthelsen

Ruth Heilmann, *Gideon Lyberth-imut sinniisussatut*

Evelyn Frederiksen

Nalunaaruteqarluni peqataanngitsoq

Gideon Lyberth

Juliane Enoksen

Imm. 01 Oqaluuserisassat akuerineqarneri

Aalajangiineq

Oqaluuserisassat akuersissutigineqarput.

**Imm. 02 Utaqqiisaasumik peqatigiiffinnut atuarfeqarfimmullu atugassiaasup B-733A-p
atugassiaanerani atorunnaarsitsineq**

Journalnr. 06.02.01

Tunuliaqutaq

Ullumikkut peqatigiiffinnut atortuusup (Meeraaqqerivik Nukakoq) B-733A-p illutaata ilaanik pisiniarfinnut siunertalinnut attartornissaa pillugu qinnuiginninneq pillugu inuussutissarsiortunit namminersortunit saaffiginninneq tunuliaqutaralugu, 733A siunissami siunertanut sorlernut atorneqarnissaa pillugu periutsimik aalajangiisoqarnissaanik borgmesteri kissaatigarpoq.

Illu B-733A utaqqiisaasumik peqatigiiffinnit atuarfeqarfimmiillu atorneqarnissaanik siunertaa attatiinnerneqassanersoq pillugu isummertoqassasoq borgmesterip kissaatigaa. Siunissami illumut kommuni qanoq periuseqassanersoq isummernissamut borgmesterip piffissanngorsoraa.

Maleruagassatigut tungavissat

Kommuni nalilinnik pigisaminik ineriartortitsinissamut nammineq akisussaasuvoq. Pigisat nalillit tuniniarneqarsinnaaneritut kommunit periarfissaannik nalimmassaasunik nalunaaruteqaranilu inatsiseqanngilaq.

Pissutsit piviusut

Sisimiut Kommunerisimasaani Meeqqanut Kulturimullu ataatsimiititaliami siulittaasoq 2004-imi februaarip pingajuani aalajangiinikuvoq, meeraaqqerivik Nuka-p nuunnerata kingorna illu B-733A taamaallaat peqatigiiffinnut atuarfeqarfimnullu siunertalinnut atorneqassasoq. Taamanikkut borgmesteriusup suliaq 2004-imi februaarip 16-ani suliaaraa akuersissutigalugulu. Taamanikkulli attartornermut isumaqatigiissutit utaqqiisaasumik isumaqatigiissutaanikuupput kiisalu allaffeqarfiup innersuussineratigut illu inuussutissarsiornermut siunertanut atorneqarani, taamaallaat peqatigiiffeqarnermut atuarfeqarnermullu siunertalinnut atorneqarluni.

Suliaq 2004-imi marsip qulingiluaani paasissutissiissutitut Aningaasaqarnermut ataatsimiititaliamut saqqummiunneqarpoq, taannalu pillugu 2004-imi aprilip 27-ani kommunalbestyrelsi paasissutissinneqarluni.

Ullumikkut B-733A-miipput: ini alleq: Ikioqatigiiffik, Neriuffik, Røde Kors. Qaliani: Sisimiut TV aamma SAPP. Inimi allermi init marluk atorneqanngillat. Init taakku inittussusaat assigiinngillat. Soorlutaaq ininik attartortitsinermut akigitat assigiinngitsuusut, aamma ininik attartornermut 80 procent tikillugu ingerlatsinermut tapiissutinut tapiissuteqartoqartarpoq.

Ukiumut missingersuusiorfiusumut 2018-imut atuiffimmi ininik attartornermut tapiissutinut 159.000 koruuninik missingersuuteqarpoq. Aamma 2018-imut ininik attartortitsinermi isertitassat tamakkiisut missingersuusiorneqarnikuupput, taakkulu atuiffik 24-02-10-71-01-ip ataani katillugit 182.000 koruuninik annertussuseqarput.

Ineqarnermut akiliummut akiliinermut ilaapput Imeq, innaallagialu, kiassarneq, illu.

Inip alluip kangisissortaata isuani ini kiassagaangitsoq annertujaajuvoq, siusinnerusuklut aneersivinnut atorneqartarnikuusooq. Taannali ullumikkut atorneqanngilaq.

Immikkoortoq ataasiinnaq, ullumikkut Sisimiut TV attartugaaniittoq, innaallagissamut uuttuuteqarpoq, illup qaliani kitaata isuaniittoq.

Illu B-733A-p ilaata attartorsinnaaneranut periarfissaqarnerseq pillugu inuussutissarsiortumit namminersortumit saaffiginnittoqarnikkuvoq, tassani inimi pineqartumiit nioqqutissaatiminik tuniniaarusuttumik.

Akiani meeqqerivimmik nutaamik sanaartortoqartussaammat, Qeqqata Kommunua piffissami aggersumi meeqqerivik SISI (B-733B), B-733A affarlerisaa, atorunnaarnissaanik pilersaaruteqarpoq. Meeqqerivik SISI nuuppat, immikkoortumi kommunimut atorneqarsinnaasumik inimik marloriaammik angissusilimmik atugassaqalissaaq. Piffissami matumani illu (B-733A aamma B-733B) siunissami sumut siunertalinnut atorneqassanersooq ilisimaneqanngilaq.

Aningaasaqarnikkut allaffissornikkullu kingunerisinnaasai

Ukiumut missingersuusiorfiusumut 2018-imut atuiffimmi 59-01-11-mi katillugit 159.000 koruuninik ininik attartornermut akiliutinut tapiissutissanik missingersuuteqarpoq. Aamma 2018-imut ininik attartortitsinermi isertitassat tamakkiisut missingersuusiorneqarnikuupput, taakkulu atuiffik 24-02-10-71-01 ataani katillugit 182.000 koruuninik annertussuseqarput.

Allaffeqarfiup naliliinera

Allaffeqarfiup nalilerpaa, illumut B-733A utaqqiisaasuunera allanngortittariaqaraluartoq, siunissamilu illu siunertanut sorlernut atorneqassanersooq eqqartorneqartariaqaraluartoq.

Allaffeqarfik naliliivoq, ininik attartornermut akiliutit pisarnermisut ingerlaannassasoq.

Allaffeqarfiup nalilerpaa, Qeqqata Kommunua siunertanut nalinginnaasunut peqatigiiffinnut ininik atugassaqartitsinera pitsaasuusoq. Kulturi aamma sunngiffimmi sammisat pillugit inatsisartut inatsisaat, kommuni ininik atugassiiussaavoq, taamaalilluni peqatigiiffiit pisariaqartitsinerminni sumiiffissaqarniassammata.

Allaffeqarfiup nalilerpaa, suliaqarfinnut sorlernut init atorneqarnissaat, imaluunniit illumi init aammattaq inuussutissarsiuteqartunut attartortinneqarsinnaassanersut isummerfigineqartariaqaraluartoq.

Allaffeqarfiup aammattaq nalilerpaa, B-733A-mi ini inuussutissarsiuteqartunut atorneqarsinnaaneramik aalajangiisoqassappat, taakku aamma tamanut saqqummiunneqartariaqaraluartut, taamaalilluni kikkulluunniit attartorsinnaanerinit periarfissillugit.

Innersuussut

Allaffeqarfiup akuereqqullugu innersuussutigaa, Aningaasaqarnermut ataatsimiititaliap:

- 1) tamanut saqqummiinikkut B-733A aammattaaq inuussutissarsiortunit attartorneqarsinnaasoq
- 2) B-733A peqatigiiffinnuinaq attartortittakkatut ingerlaannassoq
- 3) Aningaasaqarnermut ataatsimiititaliap aalajangiinera kommunalbestyrelsimut akuerisassanngorlugu ingerlateqqinneqassasoq

Teknikkeqarnermut Aatsitassarsiornermut Avatangiisinullu ataatsimiititaliap suliaq 6. marts suliarivaa, taamaammallu oqaluuserisassani nassiussani ilaatinneqarani.

Teknikkeqarnermut Aatsitassarsiornermut Avatangiisinullu ataatsimiititaliap aalajangiinera:

Innersuussutit itigartinneqarput.

Peqatigiiffiit periarfissinneqassapput qaammat ataaseq, peqatigiiffiillu qisuariangippata inuutissarsiortunut tamanut aammaanneqassaq

Aalajangiineq – Aningaasaqarnermut ataatsimiititaliaq

Peqatigiiffiit qaammat ataaseq tusarniaaffigineqaaqqaassapput attartorusunnersut, taamaattoqangippat inuussutissarsiortunut neqeroorutigineqassaaq ammasumik.

Innersuussummi nr. 3-mut atatillugu kommunalbestyrelsimut ilisimatitsissutigineqassaaq.

Ilanngussaq

Soqanngilaq

Imm. 03 Tamalaat

Soqanngilaq.